

Broj: 31-01-45-677-04/20
Sarajevo, 01.09.2020. godine

U cilju provođenja Naredbe Kriznog štaba Federalnog ministarstva zdravstva broj 01-33-3510/20 od 12.06.2020. godine, a sa svrhom daljeg praćenja situacije i poduzimanja mjera radi sprečavanja i ranog otkrivanja slučaja bolesti izazvane novim koronavirusom (COVID – 19), koja je Zaključkom Vlade FBiH, V. Broj 164/2020 od 31.01.2020. godine proglašena zaraznom bolešću čije je sprječavanje i suzbijanje od interesa za Federaciju BiH, u skladu sa tačkom III. stav (1) Odluke o proglašenju prestanka stanja nesreće uzrokovano pojavom koronavirus (COVID - 19) na području Federacije BiH, te na osnovu člana 38. Pravila KJU „Odgojni centar Kantona Sarajevo“ direktor donosi,

KRIZNI PLAN PRIPRAVNOSTI
NA NIVOU KANTONALNE JAVNE USTANOVE „ODGOJNI CENTAR KANTONA
SARAJEVO“

1. Formiran je Krizni štab KJU „Odgojni centar Kantona Sarajevo“ (u daljem tekstu: Krizni štab Odgojnog centra) kojeg čine članovi Stručnog kolegija i to: direktor Mirsad Pindžo, šefica Službe za resocijalizaciju Dženita Šošić, šefica Službe za dijagnostiku i opservaciju Aldijana Čekić, šef Službe za zbrinjavanje djece u stanju potrebe Elmedin Zuko, šefica Službe za preventivni rad Sanela Panjeta i šefica Službe za opšte i zajedničke poslove Merima Brdarić.
2. Utvrđena privremena mjera zabrane svih posjeta u KJU „Odgojni centar Kantona Sarajevo“ počev od 21.06.2020. godine je i dalje na snazi, kao i mjera privremene obustave realizacije započetih individualnih preventivnih tretmana Službe za preventivni rad i poludnevni tretmani koji se realizuju u sklopu Službe za zbrinjavanje djece u stanju potrebe.
3. Nalaže se nastavak kontinuiranog poduzimanja dodatnih higijenskih mjera u smislu permanentne pojačane dezinfekcije radnih i boravišnih prostora, stepeništa, radnih površina, uz posebnu brigu o predmetima, površinama i stvarima koje su u čestom dodiru sa radnicima i korisnicima usluga Odgojnog centra.
4. Nalaže se nastavak poduzimanja mjera obavezne dezinfekcije svih prostorija Odgojnog centra dva puta dnevno, uz posebnu brigu o svim kontaktnim predmetima kao što su rukohvati, šteke, vrata, telefoni, tipkovnice i slično, uz pojačan nadzor i kontrolu uklanjanja dnevno prikupljenog otpada u objektima Odgojnog centra, te potpune i redovne dezinfekcije službenih automobila, te kompletnog dvorišnog prostora objekta Odgojnog centra.

5. Krizni štab Odgojnog centra dužan je pratiti provođenje ranije donesenih i datih instrukcija i uputstava radnicima i korisnicima Odgojnog centra o mjerama koje pomažu u zaštiti od koronavirusa, kojih su se isti dužni pridržavati (obavezno nošenje zaštitnih maski u zatvorenom prostoru, kao i u otvorenom prostoru ukoliko na istom nije moguće održavati fizičku distancu od 2 m između osoba).
6. Nastaviti sa poduzimanjem mjera prevencije u smislu očuvanja zdravlja radnika Odgojnog centra u cilju manje fluktuacije radnika, na način da se istima omogući nesmetano korištenje godišnjeg odmora za tekuću godinu u skladu sa donesenim Planom - rasporedom korištenja godišnjih odmora radnika Odgojnog centra za 2020. godinu.
7. Nastaviti i dalje sa provođenjem trijaže radnika putem trijažnog punkta sa sanitarnim upitnicima prije ulaska u objekte Odgojnog centra gdje su svi radnici Odgojnog centra prilikom dolaska na posao, odnosno prilikom svakog ulaska u objekat Ustanove dužni izvršiti mjerenje tjelesne temperature, obavezno stavljanje zaštitne maske za lice (ukoliko iste ne posjeduju), te dezinfekciju odjeće i obuće namjenskim dezinfekcionim sredstvima osiguranim u punktu, o čemu se vodi dnevna evidencija.
8. Sva treća lica koja za potrebe osiguravanja procesa rada Odgojnog centra (poštar, dostavljač, sudski kurir i slično) ulaze u objekat, dužna su u trijažnom punktu istinito i tačno popuniti sanitarni upitnik, te izvršiti mjerenje tjelesne temperature, obavezno stavljanje zaštitnih rukavica i zaštitne maske za lice (ukoliko iste ne posjeduju), kao i dezinfekciju odjeće i obuće namjenskim dezinfekcionim sredstvima osiguranim u punktu.
9. Svi radnici Odgojnog centra, koji su ostvarili kontakt sa osobom koja pokazuje simptome zaraženosti koronavirusom i/ili koji osjećaju jedan od simptoma, dužni su ostati kući i odmah telefonski informisati šefa Službe radi poduzimanja daljih mjera u smislu organizacije rada i donošenja svih ostalih neophodnih mjera u cilju zaštite zdravlja radnika i korisnika usluga Odgojnog centra.
10. U skladu sa Protokolom testiranja na COVID – 19 dio B, tačka 6. Odgojni centar je 25.06.2020. godine izvršio testiranje svih radnika Odgojnog centra putem COVID ambulante JU Dom zdravlja Kantona Sarajevo, te su rezultati testa za sve uposlene bili negativni.
11. Prijem novih korisnika usluga Odgojnog centra na cjelodnevni smještaj vrši se uz uslov da je prethodno provedena mjera izolacije od 14 dana i testiranje na COVID – 19 nakon isteka roka od 14 dana izolacije koje mora rezultirati negativnim testom. Navedeno se primjenjuje i za slučaj kada se korisnik premješta u Odgojni centar iz druge socijalne ili zdravstvene ustanove, pri čemu je Odgojni centar dužan osigurati prostor za samoizolaciju.
12. U slučaju da se kod korisnika usluga Odgojnog centra utvrdi prisustvo jednog ili više simptoma i znakova bolesti koji se mogu dovesti u vezu sa infekcijom COVID - 19 (povišena tjelesna temperatura; ubrzano disanje sa kratkim respiracijama; suhi, neproduktivni kašalj; gubitak čula mirisa; opšta slabost i bolovi u mišićima) ODMAH obavijestiti epidemiološku službu Zavoda za javno zdravstvo Kantona Sarajevo i nadležni Dom zdravlja/Područnu ambulantu.
13. Ukoliko se naloži uzimanje materijala za testiranje na COVID - 19, potrebno je sačekati rezultate testa i potom odlučiti o daljem putu korisnika usluga Odgojnog centra – pacijenta, po odluci nadležnog ljekara i epidemiologa. Ako test bude negativan, a kod korisnika usluga – pacijenta budu prisutni ili se pogoršavali simptomi i znakovi bolesti, ponovo



kontaktirati Dom zdravlja/Područnu ambulantu i nadležnog epidemiologa, te ponoviti test unutar 48 sati. Korisnika usluga – pacijenta cijelo vrijeme zadržati u izolaciji i simptomatski tretirati prema preporuci ljekara nadležnog Doma zdravlja/Područne ambulante.

14. Zadužuje se Krizni štab Odgojnog centra za primjenu i praćenje svih utvrđenih mjera ovim Planom, te da u slučaju nastanka nekog od opisanih slučajeva obavezno ODMAH blagovremeno postupe u skladu sa naredbama i preporukama nadležnih štabova civilne zaštite.
15. Krizni štab Odgojnog centra sa svrhom daljeg praćenja situacije i poduzimanja mjera radi sprečavanja i ranog otkrivanja slučaja bolesti izazvane koronavirusom, dužan je ažurno pratiti sve nove preporuke i mjere nadležnih organa, te uredno postupati po istima, kao i primjenjivati i pratiti sve mjere i preporuke donesene na nivou Odgojnog centra.
16. Ovaj Krizni plan pripravnosti stupa na snagu danom donošenja, čime se stavljaju van snage i prestaju da važe Krizni plan pripravnosti broj 31-01-45-677-01/20 od 22.06.2020. godine, Izmjene i dopune Kriznog plana pripravnosti broj 31-01-45-677-02/ 20 od 08.07.2020. godine i Izmjene i dopune Kriznog plana pripravnosti broj 31-01-45-677-03/20 od 20.07.2020. godine.

Pripremila: Merima Brdarić, šef Službe za opšte i zajedničke poslove



Direktor
Mirsad Pindžo

Dostaviti:

- svim Službama/oglasne ploče x5
- a/a



Faint, illegible text in the upper left section of the page.

Faint, illegible text in the middle left section of the page.

Faint, illegible text in the lower left section of the page.


Faint, illegible text in the bottom left section of the page.

Faint, illegible text in the upper right section of the page.

Faint, illegible text in the middle right section of the page.

Faint, illegible text in the lower right section of the page.

Faint, illegible text in the bottom right section of the page.



Faint, illegible text located to the left of the large circular stamp.